



**NATIONAL
SENIOR CERTIFICATE**

KEREITE YA 11

PUDUNGWANA 2022

**SESOTHO PUO YA LAPENG – PAMPIRI YA 3
(EXEMPLAR)**

MATSHWAO: 100

NAKO: Dihora tse 3

Pampiri ena e na le maqephe a 5.

DITAELO HO MOHLAHLUWA

1. Pampiri ena e arotswe DIKAROLO tse PEDI, e leng:

KAROLO YA A:	Moqoqo	(50)
KAROLO YA B:	Ditema tsa kgokahano tse 2	(2 x 25) (50)
2. Araba potso e le NNGWE KAROLONG ya A le dipotso TSE PEDI KAROLONG YA B.
3. Araba dipotso TSOHLE ka SESOTHO.
4. Qala potso e NNGWE le e NNGWE leqepheng le LETJHA.
5. Etsa moralo wa tema e nngwe le e nngwe (ka ho etsa mmapa wa monahano/daekeramo/tjhate e bontshang tatelano ya mehopolo kapa lenane la dintlha tseo o tlang ho ngola ka tsona). Ha o qetile, bala tema hape ho hlaola diphoso. Meralo e hlahiswe QALONG ya tema ka nngwe.
6. Meralo e totobatswe hantle hore ke meralo.
7. O eletswa ho sebedisa nako ka mokgwa ona:
 - Metsotso e 80 ho araba KAROLO YA A.
 - Metsotso e (35 x 2) ho KAROLO YA B.
8. Nomora dikarabo tsa hao jwalo feela ka ha di nomorilwe dipotsong.
9. Sehlooho se se ke sa balellwa e le karolo ya palo ya mantswa.
10. Ngola ka mongolo o makgethe o balehang.

KAROLO YA A: MOQOQO**POTSO YA 1**

Kgetha sehlooho kapa setshwantsho SE LE SENG ebe o ngola moqoqo wa bolelele ba mantswe a 400–450 (dikahare feela). Ebang o kgetha setshwantsho ngola o itshetlehile ka mohopolo o qholotswang ke setshwantsho maikutlong a hao mme o iqapele sehlooho sa hao. Se lebale ho etsa moralo le ho hlaola diphoso.

1.1 Ke ile ka sala ke maketse letsatsing leo. [50]

1.2 Bana beso ke metswalle ya ka. [50]

1.3 Mmuso o etsa toka ho fa batho ba sa sebetseng tjehelete ya dip halello, empa ka lehlakoreng le leng o etsa hore batho ba tswafe ho sebetsa.

Sekaseka sehlooho sena, mme o hlahise mahlakore a mabedi a kgang o nto totobatsa ntlhakemo ya hao. [50]

1.4 Ke lakatsa ho bona batjha ba na le bokamoso bo tjababileng. [50]

1.5 Ho kopa thuso ha o e hloka ho molemo ho feta ho inkela ka mahahapa. Kgetha lehlakore, o hlakise ntlhakemo ya hao. [50]

1.6 Ditshwantsho tse latelang di ka qholotsa mehopolo e itseng maikutlong a hao.


Kgetha SE LE SENG, mme o ngole moqoqo ka mohopolo wa sehlooho o qholotswang ke setshwantsho. Ngola nomoro ya potso eo o e kgethang, mme o iqapele sehlooho sa hao. [50]

1.6.1



[Setshwantsho sena se nkuwe ho tswa ho Google] [50]

1.6.2



[Setshwantsho sena se nkuwe ho tswa ho Google] [50]

1.6.3



[Setshwantsho sena se nkuwe ho tswa ho Google] [50]

MATSHWAO OHLE A KAROLO YA A: 50

KAROLO YA B: DITEMA TSA KGOKAHANO**POTSO YA 2**

Kgetha ditema tse PEDI mme o ngole tema ya bolelele ba mantswe a 180–200 (dikahare feela) temeng ka NNGWE. Hopola ho etsa moralo, o boele o lekole ditema tsa hao botjha ho hlaola diphoso.

2.1 LENGOLO LA TLETLEBO LA SEMMUSO

Ngola lengolo le yang ho Mosuwehlooho wa sekolo sa heno moo o tletlebang ka tlhokeho ya dibuka tse balwang tsa Sesotho. [25]

2.2 PUO

Ngola puo ya teboho eo o tlang ho e tshetlehela motho ya neng a le tliseditse disebediswa tsa ho itshireletsa lefung la Covid-19 sekolong sa heno. [25]

2.3 ATIKELE E YANG LESEDINYANENG

Dithethefatsi di na le ditlamorao tse bosula bophelong ba motho. Kgothalletsa batjha ho se ikamahanye le tsona ka ho ngola atikele e yang lesedinyaneng la selehae. [25]

2.4 TEKOLOKAKARETSO

O ile wa mamela tshwantshiso e ileng ya o ama maikutlo seyalemoyeng. Ngola tekolokakaretso ya tshwantshiso eo. [25]

2.5 PUISANO

Moithutimmoho le wena o tletse mosuwe ya le rutang thuto ya dipalo ka phaposeng ya borutelo. Ngola puisano pakeng tsa hao le yena moo o mo kgothalletsang ho ya kopa tshwarelo le ho mo lemosa phoso ya hae. [25]

2.6 OBITJHUARI / TSA BOPHELO BA MOFU

Motswalle wa hao eo o neng o kena kereke le yena, o hlokahetse. Lelapa la habo le o kopile ho ba thusa ho ba ngolla obitjhuari eo. [25]

MATSHWAO OHLE A KAROLO YA B (25 x 2): 50
MATSHWAO OHLE A PAMPIRI ENA: 100